

Na osnovu člana 37. i člana 81. Statuta Općine Novi Grad Sarajevo („Službene novine Kantona Sarajevo“ br. 30/09 – novi prečišćeni tekst), člana 4. stav 1. alineja 2. Sporazuma o saradnji zaključenog između humanitarne organizacije „Muslim Aid“ i Općine Novi Grad Sarajevo broj: 121/17 od 16.02.2017. godine, odnosno 13.03.2017. godine, a u cilju realizacije projekta pod nazivom „Ekonomsko osnaživanje socijalno i materijalno ugroženih porodica i mladih osoba kroz proizvodnju povrća u plastenicima“ (u daljem tekstu: Projekat), Općinski načelnik na prijedlog Službe za privredu i lokalni ekonomski razvoj donosi

Pravilnik o utvrđivanju uslova, kriterija i postupaka za ostvarivanje prava na dodjelu plastenika u projektu pod nazivom „Ekonomsko osnaživanje socijalno i materijalno ugroženih porodica i mladih osoba kroz proizvodnju povrća u plastenicima“

OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava učešća i prava na dodjelu plastenika površine 100 m² sa sistemom za navodnjavanje i sadnicama za jedan proizvodni ciklus (u daljem tekstu: dodjela plastenika), a na osnovu Javnog poziva za predaju zahtjeva za dodjelu plastenika.

Član 2.

Pravo na učešće u projektu imaju socijalno i materijalno ugrožene osobe i mlade osobe koje imaju mjesto prebivališta na teritoriji Općine Novi Grad Sarajevo u kontinuitetu od najmanje tri godine, a koje posjeduju ili njihovi članovi užeg domaćinstva posjeduju vlastito poljoprivredno zemljište kao i zemljište ustupljeno na korištenje ili zakup u neposrednoj blizini stambenog objekta u kojem stanuju.

Pravo na dodjelu ne mogu ostvariti lica koja su u ranijem periodu ostvarila pravo na donaciju - platenik od općina, Ministarstva, humanitarnih i drugih institucija niti da posjeduju platenik veći od 50m²

USLOVI ZA DODJELU PLASTENIKA

Član 3.

Podnosioci zahtjeva treba da ispunjavaju sljedeće uslove:

1. Da je nezaposlena osoba ili osoba čija primanja po članu u njegovog domaćinstvu ne prelaze 350,00 KM,
2. Da je upisan u Registar poljoprivrednih gazdinstava Općine Novi Grad Sarajevo ili ukoliko nije dostavi ovjerenu izjavu da će se upisati u Registar poljoprivrednih gazdinstava i klijenata prije dodjele plastenika,
3. Da je podnosilac zahtjeva ili član uže porodice koji je u zajedničkom domaćinstvu vlasnik, odnosno posjednik poljoprivrednog zemljišta, da mu je zemljište ustupljeno na korištenje ili u zakup u površini od najmanje 300m² pogodnog za plateničarsku proizvodnju, a koje se nalazi u neposrednoj blizini stambenog objekta u kojem stanuje (utvrđuje Komisija za dodjelu plastenika uviđajem na licu mjesta),
4. Da ima mogućnost navodnjavanja plastenika,
5. Da sufinansira 10 % od nabavne cijene plastenika (245,00 KM),
6. Da prisustvuje edukaciji iz oblasti plateničke proizvodnje u trajanju od dva dana a koju realizuje „Muslim Aid“ u sklopu projekta.

Član 4.

Služba nadležna za poslove poljoprivrede je nosioc aktivnosti vezanih za realizaciju Projekta.

IZBOR KANDIDATA

Član 5.

Općina Novi Grad Sarajevo objavljuje Javni poziv za predaju zahtjeva za dodjelu plastenika u dnevnim novinama, na oglasnoj ploči Općine Novi Grad Sarajevo, oglasnim pločama mjesnih zajednica kao i web stranici Općine Novi Grad Sarajevo.

Javni poziv sadrži: pravo učešća na javnom pozivu, uslove koje kandidat mora ispunjavati, kriterije za bodovanje, rok za podnošenje prijave i eventualno druge potrebne podatke.

Izbor kandidata za dodjelu plastenika vrši se na osnovu pristiglih prijava na Javni poziv.

Član 6.

Općinski načelnik imenuje Komisiju za dodjelu plastenika.

Zadatak Komisije: pregled prispjelih prijava i dokumentacije, provjera upisa u RPG u nadležnoj službi, obavljanje uviđaja na licu mjesta, utvrđivanje liste – prijedloga kandidata za dodjelu plastenika po objavljenom Javnom pozivu, a na osnovu utvrđenih kriterija.

Utvrđena lista – prijedlog kandidata za dodjelu plastenika se dostavlja Općinskom načelniku.

Izbor kandidata vrši Općinski načelnik na prijedlog Komisije za dodjelu plastenika.

Konačna lista kandidata koji su ostvarili pravo na dodjelu plastenika bit će objavljena na oglasnoj ploči Općine Novi Grad Sarajevo i na web stranici.

Kandidati koji nisu ostvarili pravo na dodjelu plastenika imaju pravo u roku od 8 dana od dana objavljivanja rang liste podnijeti prigovor Općinskom načelniku koji donosi odluku po prigovoru.

Član 7.

Izabrani kandidat potpisuje tripartitni Ugovor o dodjeli plastenika sa Općinskim načelnikom i humanitarnom organizacijom “Muslim Aid” kojim će biti regulisana sva dalja međusobna prava i obaveze.

KRITERIJI ZA DODJELU PLASTENIKA

Kriteriji za bodovanje podnosioca zahtjeva:

Član 8.

- a) Pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta), 1-3 boda,
- slabi uslovi (veliki nagib, udaljenost od kuće više od 200 m)1 bod,
 - dobri uslovi (relativno veliki nagib, udaljenost od kuće do 100 m)2 boda,
 - jako dobri uslovi (blagi nagib, blizu kuće, dobar pristup)3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, oblik i veličina parcele, blizina stambenog objekta susjednog domaćinstva i sl.) kao i da nemaju mogućnosti za navodnjavanje na zemljištu neće se bodovati, te se njihove prijave neće uzeti u razmatranje.

- b) dodatni bodovi po osnovu pripadnosti jednoj od dole navedenih kategorija:
- podnosilac zahtjeva nezaposlen (vrijeme provedeno na birou za zapošljavanje), od 1-4 boda,
 - od 0-3 godine.....1 bod,

- od 3-6 godine.....2 boda,
- od 6-10 godine.....3 boda,
- više od 10 godine.....4 boda,
- za svakog punoljetnog nezaposlenog člana porodice, koji se nalazi na evidenciji nezaposlenih osoba JU Služba za zapošljavanje Kantona Sarajevo-biro Općine Novi Grad Sarajevo.1 bod,
- za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba JU Služba za zapošljavanje Kantona Sarajevo-biro Općine Novi Grad Sarajevo(djeca, učenici, i sl.) 1 bod,
 - mlade osobe životne starosti do 35 godina..... 5 bodova,
- ako je podnosilac zahtjeva samohrani roditelj..... 2 boda,
- socijalni aspekt - nema primanja..... 7 bodova,
- socijalni aspekt - minimalna primanja po članu domaćinstva do 100,00 KM..... 6 bodova,
- socijalni aspekt - minimalna primanja po članu domaćinstva do 200,00 KM..... 5 bodova,
- socijalni aspekt - minimalna primanja po članu domaćinstva do 250,00 KM..... 4 boda,
- socijalni aspekt - minimalna primanja po članu domaćinstva do 350,00 KM 3 boda,
- socijalni aspekt- stanje na terenu: 0-4 boda,
- lice u stanju socijalne potrebe u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom.....6 bodova.

Kada kandidati pri bodovanju imaju isti broj bodova, prednost će imati kandidati koji imaju status mlade osobe.

Član 9.

Kada prijavljeni kandidati pri bodovanju imaju isti broj bodova, prednost će imati kandidati koji imaju status mlade osobe.

Član 10.

Pravilnik stupa na snagu danom donošenja, a biće istaknut na oglasnoj ploči i web stranici Općine.

Broj: _____
Sarajevo, _____ 2017. godine

Dostaviti:

OPĆINSKI NAČELNIK

1. Služba kabineta Općinskog načelnika
2. Općinska služba za privredu i lokalni ekonomski razvoj,
3. U spis,
4. Arhiva.

mr. Semir Efendić